



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 14. stav (1) Zakona o finansiranju političkih stranaka («Službeni glasnik BiH» broj 22/00, 102/09 i 54/10), člana 24. Pravilnika o godišnjim finansijskim izvještajima političkih stranaka («Službeni glasnik BiH» broj 61/06) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH» broj 103/08), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2010. GODINU POLITIČKE ORGANIZACIJE GRAĐANA “SNAGA BOSNE“

Broj: 03-07-6-454/11
Sarajevo, 12. decembar 2011. godine

SADRŽAJ

MIŠLJENJE REVIZORA.....	3
1. UVOD	4
2. PREDSTAVLJANJE POLITIČKE STRANKE	4
3. OPIS PREGLEDA I KONTROLE FINANSIJSKOG IZVJEŠTAJA	4
Predmet pregleda i kontrole	4
Cilj pregleda i kontrole	5
Obim pregleda i kontrole	5
4. PRETHODNE KONTROLE I REVIZIJE	5
5. NALAZI I PREPORUKE	5
5.1. NALAZI.....	5
5.2. PREPORUKE	6

MIŠLJENJE REVIZORA

Služba za reviziju finansiranja političkih stranaka izvršila je pregled godišnjeg finansijskog izvještaja Političke organizacije građana "Snaga Bosne" za 2010. godinu.

Rukovodstvo stranke je odgovorno za finansijske izvještaje, postupanje stranke u skladu sa Zakonom o finansiranju političkih stranaka i uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Na osnovu našeg pregleda utvrđeno je sljedeće:

- 1. Politička organizacija građana "Snaga Bosne" prekršila je odredbe člana 11. stav (3) Zakona o finansiranju političkih stranaka jer nije godišnji finansijski izvještaj za 2010. godinu popunila u skladu sa Pravilnikom o godišnjim finansijskim izvještajima političkih stranaka.**

Na osnovu našeg pregleda, odnosno kontrole finansijskog izvještaja, osim gornje napomene pod 1., nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.

1. UVOD

Služba za reviziju finansiranja političkih stranaka (u daljem tekstu: Služba za reviziju) izvršila je pregled godišnjeg finansijskog izvještaja Političke organizacije građana "Snaga Bosne" za 2010. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja Politička organizacija građana "Snaga Bosne" iskazala je ukupne prihode u iznosu od 4.535,83 KM, čija struktura je data u sljedećoj tabeli:

Red. br.	Vrsta prihoda	Iznos u KM	Učešće u Uk.prih. %
1	Članarina	0,00	0,00%
2	Prilozi fizičkih lica	0,00	0,00%
3	Prilozi pravnih lica	0,00	0,00%
4	Prihodi od imovine	5,76	0,13%
5	Prihodi od pr.lica	0,00	0,00%
6	Prihodi od poklona	0,00	0,00%
7	Prihodi iz budžeta	4.530,07	99,87%
	Ostali prihodi	0,00	0,00%
	Ukupni prihodi:	4.535,83	100,00%

U godišnjem finansijskom izvještaju stranka je iskazala ukupne rashode u iznosu od 7.823,85 KM.

2. PREDSTAVLJANJE POLITIČKE STRANKE

Naziv političke stranke: Politička organizacija građana "Snaga Bosne". Skraćeni naziv je "Snaga Bosne".

Politička stranka je registrovana 04.02.2008. godine u Općinskom sudu u Sarajevu, broj upisa 065-0-REG-08-000164.

Sjedište političke stranke je u Ilijašu, Sovrle br. 60.

Lice ovlašteno za zastupanje stranke je Nesib Mandžić, predsjednik stranke.

Lice ovlašteno za podnošenje finansijskih izvještaja za 2010. godinu je Mujo Fejzić.

Prema podacima iz godišnjeg finansijskog izvještaja za 2010. godinu, "Snaga Bosne" ima dva organizaciona dijela:

- Općinsku organizaciju Ilijaš i
- Općinsku organizaciju Srebrenica.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj Političke organizacije građana "Snaga Bosne" za 2010. godinu.

Cilj pregleda i kontrole je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja navedenog zakona, ocjenjuje da li je potrebno izvršiti terensku reviziju da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

Obim pregleda i kontrole finansijskih izvještaja Političke organizacije građana "Snaga Bosne" obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava, sa posebnim naglaskom na prihode iz budžeta.

4. PRETHODNE KONTROLE I REVIZIJE

Služba za reviziju je izvršila pregled godišnjeg finansijskog izvještaja Političke organizacije građana "Snaga Bosne" za 2008. godinu, nakon kojeg je izdat izvještaj o pregledu sa mišljenjem revizora, nalazima i preporukama.

Takođe je izvršen pregled godišnjeg finansijskog izvještaja za 2009. godinu, nakon kojeg je izdat izvještaj o pregledu sa mišljenjem revizora, nalazima i preporukama. Prema mišljenju Službe za reviziju, Politička organizacija građana "Snaga Bosne" prekršila je odredbe člana 11. stav (3) i stav (4) Zakona o finansiranju političkih stranaka.

Nerealizovane preporuke:

Na osnovu uočenih nedostataka u godišnjem finansijskom izvještaju za 2010. godinu, utvrđeno je da politička stranka nije ispoštovala preporuke koje su date u Izvještaju o pregledu finansijskog izvještaja za 2009. godinu, odnosno postupila je suprotno odredbama člana 11. stav (3) Zakona o finansiranju političkih stranaka.

5. NALAZI I PREPORUKE

5.1. NALAZI

Politička organizacija građana „Snaga Bosne“ prekršila je odredbe člana 11. stav (3) Zakona o finansiranju političkih stranaka.

- Na osnovu obavljenog pregleda godišnjeg finansijskog izvještaja za 2010. godinu utvrđeno je da Politička organizacija građana „Snaga Bosne“ nije popunila obrazac 2 (pregled prometa svih transakcijskih računa) u skladu sa članom 11. Pravilnika o godišnjim finansijskim izvještajima političkih stranaka.

Uvidom u podatke iz Jedinственог регистра transakcijskih računa u Bosni i Hercegovini utvrđeno je da Politička organizacija građana „Snaga Bosne“ nije u godišnjem finansijskom izvještaju iskazala podatke o transakcijskom računu broj: 3386902233337427 u UniCredit bank dd. Stranka tokom 2010. godine nije imala promet putem ovog transakcijskog računa¹.

¹ Potvrda UniCredit Bank d.d. od 12.09.2011. godine.

- Pregledom je utvrđeno da stranka nije pravilno iskazala troškove u obrascu 4-1 (režijsko-administrativni i ostali troškovi) godišnjeg finansijskog izvještaja, čime je prekršila odredbe člana 21. Pravilnika o godišnjim finansijskim izvještajima političkih stranaka.

Stranka je na ime prijave za učešće na izborima 2010. godine izvršila isplatu sredstava, putem blagajne, političkoj stranci LDS u iznosu od 3.750,00 KM, što je u svojim poslovnim knjigama i u godišnjem finansijskom izvještaju iskazala kao troškove učešća na izborima.

Obzirom da, prema podacima Centralne izborne komisije Bosne i Hercegovine, ova politička stranka nije učestvovala na Općim izborima 2010. godine, smatramo da je stranka ove troškove trebala iskazati kao rashode po osnovu datih pomoći ili donacija pravnim licima, a ne kao troškove učešća na izborima.

5.2. PREPORUKE

Preporučuje se Političkoj organizaciji građana "Snaga Bosne" da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- ***da postupa u skladu sa odredbama člana 11. stav (3) Zakona o finansiranju političkih stranaka i to:***
 - ***da finansijske izvještaje koje podnosi Centralnoj izbornoj komisiji BiH popunjava u skladu sa Pravilnikom o godišnjim finansijskim izvještajima političkih stranaka.***

KOMENTAR:

U ostavljenom roku, Politička organizacija građana "Snaga Bosne" nije dostavila primjedbe na nalaze i mišljenje revizora dato u Preliminarnom izvještaju o pregledu godišnjeg finansijskog izvještaja za 2010. godinu.

Mr. Hasida Gušić, šef Službe za reviziju

Sanja Čabrilo, revizor